

սեր երեխաներին: Մայրս այդ մասին ոչինչ չպատասխանեց, միայն հարցրուց, արդեօք վախեցա՞ւ՝ նա, որ այնպիսի մթին եւ վատ եղանակում մեր տունը եկաւ:

– Ինչի՞ց պիտի վախենամ, – ասաց նա մի առանձին հպարտութեամբ, – գայլ չկայ, սատանայ չկայ, բոլորը ցրտից փախել, մտել են իրանց ծակերը: Ես խօ Մարիամը չեմ. որ վախենամ: Ու՛հ, սատկած, հիմա կը քնե՛ն: Տես, ինչպե՞ս քնել է, մտիկ տու՛ր, Ֆարիատ, մտիկ տուր, հարսի...

Վերջին խօսքերի միջոցին Մարօն այնպիսի մի հեզակական ծամածռութիւն գործեց իր սեւուկ դեմքի վրայ, որ չէր կարելի առանց ծիծաղելու նրա երեսին նայել: Բայց յանկարծ նրա մեծ եւ գեղեցիկ աչքերը վառոտեցան, նա դուրս թռաւ մօրս գրկից եւ վազեց մահճի մօտ, ուր քնած էին քոյրերս: Նա խոնարհոտեցաւ, համբուրեց Մագթաղի երեսը, բայց Մարիամի մազերից այնպէս սաստիկ ձիգ տոռաւ, որ խեղճ աղջիկը ծոաց, սարսափելով քնած տեղից վեր թռաւ, եւ տեսնելով իր ոխերիմը կշտին նստած, գոչեց վրդովուած ձայնով:

– So, սեւ սատանայ, այստեղ ի՞նչ ես շինում:

Դեռ քնաթաթախ Մարիամը քանք արեց, որ նրան բռնէ, վրեժը առնէ, բայց վայրենի Մարոյի ճարպիկ մատները պինդ սեղմոտեցան նրա կոկորդին եւ շնչասպառ աղջիկը գլորոտեցաւ բարձի վրայ: Ես մօտ վազեցի, որ ազատեմ քրոջս: Նոյն միջոցին Մարօն կատոի արագութեամբ դուրս թռաւ, եւ աներեւութեամբ գիշերային խաւարի մէջ: Մայրս չգիտեր՝ ծիծաղել թէ բարկանալ. նա ասաց ինձ, որ գնամ եւ այն «դելի ծնունդինէ հասցնեմ իրանց տունը, չիցէ թէ ճանապարհին փորձանքի հանդիպի: Ես դուրս վազեցի, նա արդէն անհետացել էր, միայն փողոցում տեսայ մի ահագին կերպարանք, որին մօտեցաւ Մարօն: Դա նրա հայրն էր:

– Միթե՞ կարելի է թողնել փոքրիկ աղջկան այս խաւարում, այս ձների մէջ, տնից դուրս գալ, – հարցրի նրանից:

– Թո՛ղ սովորե՛... – պատասխանեց հայրը եւ հեռացաւ:

Այդ սառն եւ խստասիրտ պատասխանը ինձ խիստ օտարոտի երեւաց: Ին՛չ պիտի սովորէր փոքրիկ աղջիկը: – Գիշերային փոթորիկի ժամանակ, ձիւնի եւ սառնամանիքի մէջ միայնակ ման գալ: Ես չէի հասկանում դրանում ինչ միտք կամ նպատակ կարող էր լինել: Այդ ինչ տարապայման կրթութիւն էր, որ խստասիրտ հայրը ցանկանում էր տալ մանկահասակ աղջկան: Մարօն առանց դրան եւս վայրենի քնաւորութիւն ունէր: Ամէն անգամ, երբ մեր տունն էր գալիս, առանց մէկին կծելու, առանց միւսին ճանկռե-